

**OTPOČELI PREGOVORI O UTVRĐIVANJU OSNOVICE ZA OBRAČUN PLAĆA ZA
2020.GODINU SA PREGOVARAČKIM TIMOM VLADE KANTONA SARAJEVO, A PO
ZAHTJEVU KOORDINACIJE SINDIKATA SSSBIH KANTONA SARAJEVO KOJI
PRIMAJU PLAĆU IZ BUDŽETA KANTONA SARAJEVO**

Po zahtjevu Koordinacije sindikata koji primaju plaću iz budžeta Kantona Sarajevo koji djeluju u okviru SSSBiH, a čine je sindikati:

1. Samostalni sindikat osnovnog obrazovanja i odgoja F BiH, Kantonalni odbor Kantona Sarajevo,
2. Sindikat srednjeg i visokog obrazovanja, odgoja, nauke i kulture BiH, Kantonalni odbor Kantona Sarajevo,
3. Samostalni sindikat državnih službenika i namještenika u organima državne službe, sudskoj vlasti i javnim ustanovama u F BiH-Koordinacija Kantona Sarajevo i
4. Sindikat policije Kantona Sarajevo,

dana 16.10.2019.godine, održan je sastanak Pregovaračkog tima Vlade Kantona Sarajevo i pregovaračkih timova svih sindikata koji primaju plaće iz budžeta Kantona Sarajevo, za utvrđivanje osnovice za obračun plaća za 2020.godinu.

Predstavnici Koordinacije sindikata su istakli da je Vlada u toku 2019. godine utvrdila Izmjene i dopune budžeta Kantona Sarajevo za 2019. godinu, koje su i usvojene, bez otvaranja pregovora sa sindikatima, čime su prekršene odredbe zakona i kolektivnih ugovora, a sindikati su očekivali da će u 2019.godini doći do usklađivanja, odnosno povećanja osnovice koja je utvrđena za 2019.godinu u iznosu od 315,00 KM.

Nakon duže rasprave i različitih argumentacija od strane Pregovaračkog tima Vlade Kantona Sarajevo i pregovaračkih timova sindikata, na sastanku je dogovoreno da se pregovori o utvrđivanju osnovice za 2020.godinu nastave 23.10.2019.godine.